

Дундговь аймгийн Засаг даргын Эдийн засаг хөгжлийн яамны сайдтай 2023 онд хамтран ажиллах гэрээний жилийн эцсийн хэрэгжилтэд хяналт шинжилгээ, үнэлгээ хийсэн ажлын тайлан

2023 оны 12 дугаар сарын 12

Мандалговь хот

НЭГ. ХЯНАЛТ-ШИНЖИЛГЭЭ, ҮНЭЛГЭЭНИЙ ЗОРИЛГО

Эдийн засаг хөгжлийн яамны сайдтай аймгийн Засаг даргын байгуулсан хамтран ажиллах гэрээний хэрэгжилтэд хяналт-шинжилгээ, үнэлгээ хийж, үйл ажиллагааны гүйцэтгэлийн үр дүнг хянах, үнэлэх, дүгнэлт зөвлөмж гаргах, үйл ажиллагааны төлөвлөлт, хэрэгжилт, тайлагналтыг сайжруулж, цаашид гарах үр дүн, үр нөлөөг нэмэгдүүлэхэд оршино.

ХОЁР.ХЯНАЛТ ШИНЖИЛГЭЭ, ҮНЭЛГЭЭНИЙ ҮНДЭСЛЭЛ, АРГА ЗҮЙ

Эдийн засаг хөгжлийн яамны сайдтай байгуулсан аймгийн Засаг даргын хамтран ажиллах гэрээний 2023 оны жилийн эцсийн хэрэгжилтэд хяналт-шинжилгээ, үнэлгээг Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт болон захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын 6.2-т заасан арга зүйгээр Хөгжлийн бодлого, төлөвлөлт, хөрөнгө оруулалтын хэлтсээс ирүүлсэн тайланд үндэслэн хяналт-шинжилгээ, үнэлгээ хийлээ.

ГУРАВ.ХЯНАЛТ-ШИНЖИЛГЭЭ, ҮНЭЛГЭЭНИЙ ҮР ДҮН

Аймгийн Засаг дарга хамтран ажиллах гэрээгээр 12 үүргийг хүлээж, үүргийг орон нутагт хэрэгжүүлэх төлөвлөгөө гарган үр дүнг тооцож ажилласнаар хагас бүтэн жилээр арга хэмжээний хэрэгжилт 97.5 хувьтай хэрэгжүүлсэн байна. Үүнээс 100 хувь-11, 70 хувь -1 байна.

ҮР ДҮНТЭЙ ХЭРЭГЖСЭН ОНЦЛОХ АЖЛУУД:


“Алсын хараа-2050” сэдэвт сургалтыг МУ-ын Засгийн газар, Удирдлагын академитай хамтран танхимаар 200, цахимаар 2000 оролцогчдыг хамруулж батламж аваад байна.



2023 оны төсөвт “Нээлттэй аймаг” хөтөлбөр хэрэгжүүлэхэд орон нутгийн төсөвт 750.0 сая төгрөгийн төсөв батлуулж төсвийн хүрээнд Хаус хороолол болон түмний хорооллын ерөнхий төлөвлөгөө батлуулахад 100.0 сая, Малчны хөгжлийг дэмжих төвийн ТЭЗҮ боловсруулахад 104.1 сая, Эрдэнэдалай, Цагаандэлгэр сумын хөгжлийн ерөнхий төлөвлөгөөг боловсруулахад 200.0 сая бусад үйл ажиллагаанд 118.0 сая нийт 522.1 сая төгрөг зарцуулсан.



Японы олон улсын хамтын ажиллагааны байгууллага “Жайка ОУБ”-ын хэрэгжүүлж буй үдийн хоол үйлдвэрлэлийг дэмжих төслийн хүрээнд Сайнцагаан сумын 2 сургуульд тоног төхөөрөмж нийлүүлэгдэж сургуулийн үдийн хоолны хүнсний эрүүл ахуй, аюулгүй байдлын тогтолцоо бүрдэж, орчин нөхцөл сайжирсан байна.



ДӨРӨВ. ДҮГНЭЛТ

Засгийн газрын зарим чиг үүргийг орон нутагт төлөөлөн хэрэгжүүлэх арга хэмжээний хүрээнд хэрэгжүүлэх арга хэмжээний төлөвлөгөөний жилийн эцсийн хэрэгжилтэд хяналт шинжилгээ, үнэлгээ хийж, үр дүнг 97.5 хувь буюу “Тодорхой үр дүнд хүрсэн” гэж үнэлж үнэлгээний саналыг хүргүүлж байна.

Гэрээний үүргийн 2023 оны эхний хагас жилийн хэрэгжилтийн явцад хяналт шинжилгээ, үнэлгээ хийхэд 90,8 хувьтай байсан бөгөөд удаашралтай хэрэгжиж байгаа 1 арга хэмжээг эрчимжүүлэх зөвлөмж өгч ажилласнаар гэрээний үүргийн биелэлт эхний хагас жилийн хэрэгжилтээс 6,7 хувиар нэмэгдсэн үзүүлэлттэй гарч байна.

Дундговь аймагт сүүлийн 3 жил буюу 2021-2023 онуудад улсын төсвийн 57.7 тэрбум, орон нутгийн хөгжлийн сан болон орон нутгийн хөрөнгө оруулалтаар 47.4 тэрбум нийт улсын болон орон нутгийн 124.3 тэрбум төгрөгийн хөрөнгө оруулалт бүтээн байгуулалтын ажил хийгдээд байна. 2023 оныг өмнөх онтой харьцуулахад нийт хөрөнгө оруулалт 25.9 тэрбум төгрөгөөр буюу 81.4 хувиар өссөн үзүүлэлттэй байна.

Дундговь аймгийн хөрөнгө оруулалт 2021-2023 он /тэрбум төгрөг/



ТАВ. ЗӨВЛӨМЖ

Хөрөнгө оруулалт хөгжлийн бодлого, төлөвлөлтийн хэлтэст

Нийтийн мэдээллийн ил тод байдлын тухай хуулийн дагуу хийж хэрэгжүүлж байгаа ажлыг иргэдэд сурталчлах мэдээлэх ажлыг тогтмолжуулах

Тайланг гаргахдаа шалгуур үзүүлэлтийн дагуу хүрэх түвшинд хүрсэн эсэхийг үр дүн, үр нөлөөг харуулахаар тайлагнаж хэвших мөн нотлох баримтыг тайланд хавсаргаж ирүүлж байх

Баталгаажуулсан:

Аймгийн Засаг дарга  Ц.Мөнхбат

Хянасан:

Хяналт шинжилгээ, үнэлгээний хэлтсийн

дарга



Д.Даариймаа

Тайлан бичсэн:

Хяналт шинжилгээ, үнэлгээний

хэлтсийн ахлах мэргэжилтэн



Э.Одончимэг